

А Ж Р И М

(Ярашганлик муносабати билан жиноят ишини тугатиш тўғрисида)

2022 йил август ойининг 26 куни жиноят ишлари бўйича Ургут туман судининг очиқ, сайёр суд мажлиси Ургут тумани “Санчикул” МФЙ биносида бўлиб, суд раиси Ф.Худайбердиевнинг раислигида, судья ёрдамчиси П.Рахмоновнинг котиблигида, Ургут туман прокурорининг катта ёрдамчиси У.Фармонов, гумон қилинувчи Ш.Алиев ва унинг ҳимоячиси Ургут туманидаги “Ҳуқуқ кўзгуси” адвокатлик бюроси адвокати С.Бобаев, жабрланувчи С.Турсуноваларнинг иштирокида,

Алиев Шохниёз Мусурмонович (Aliyev Shoxniyoz Musurmonovich), 1986 йил 18 ноябрь куни Самарқанд вилояти, Ургут туманида туғилган, миллати ўзбек, Ўзбекистон Республикаси фуқароси, маълумоти олий, оилалик, 2 нафар фарзанди бор, депутат эмас, партиясиз, муқаддам судланмаган, вақтинча ишсиз, Ургут тумани, “Тўрткўл” маҳалласида яшайди, эҳтиёт чораси қўлланилмаган, руҳан соғлом.

Ўзбекистон Республикаси ЖКнинг 109-моддаси 2-қисми билан гумон қилинувчига оид 1-1416-2201/280-сонли жиноят ишини кўриб чиқиб, қуйидагиларни,-

А Н И Қ Л А Д И :

Гумон қилинувчи Алиев Шохниёз Мусурмонович – 2022 йил 09 июль куни соат 00:30ларда Ургут тумани “Тўрткўл” маҳалласида жойлашган ўз яшаш хонадониди, маст ҳолатда, турмуш ўртоғи Турсунова Саноат Аҳадовна билан ўрталарида келиб чиққан ўзаро келишмовчилик сабабли жанжаллашиб, ушбу жанжал вақтида уйда бўлган электр чойнак билан турмуш ўртоғи С.А.Турсунованинг бошнинг пешона соҳасида урилиб йиртилган яра, бош миянинг чайқалиши каби “енгил соғлиғини бузилишига сабаб бўлган” тан жароҳати етказган.

Тойлоқ туман СТЭБ томонидан 2022 йил 22 июль кунги берилган 395-сонли хулосасида, Турсунова Саноатни танасида яъни бошнинг пешона соҳасида урилиб йиртилган яра, бош миянинг чайқалиши каби тан жароҳатлари мавжудлиги, улар ўтмас қаттиқ жисмлар таъсирида етказилганлиги, бу тан жароҳатлари одатдаги кечувида соғлиқни олти кундан кўп, йигирма бир кундан кам бўлган муддатга бузуришига олиб келишлиги, шунинг учун “ЕНГИЛ, СОҒЛИҚНИ БУЗИЛИШИГА САБАБ БЎЛГАН ТАН ЖАРОҲАТИ” гуруҳига киришлиги, жароҳатларнинг етказилиш муддати 2022 йил 09 июль кунига тўғри келишлиги кўрсатилган.



Судга гумон қилинувчи Ш.Алиев ва жабрланувчи С.Турсуновалар ариза билан мурожаат қилишиб, жиноят ишини ярашганликлари муносабати билан тугатишни сўрашган.

Гумон қилинувчи Ш.Алиев сайёр суд мажлисида ярашув тўғрисидаги аризасини қувватлаб, айбига ўз ихтиёри билан тўлиқ иқрор эканлиги, қилмишидан пушаймонлиги, содир этган қилмишининг оқибатларини англаганлиги, жабрланувчига етказилган зарарларни тўлиқ қоплаганлиги, ҳозирда жабрланувчи билан бирон-бир тазйиқсиз ярашиб олганлиги ҳақида кўрсатув бериб, жиноят ишини тугатишни сўради.

Жабрланувчи С.Турсунова сайёр суд мажлисида ярашув тўғрисидаги аризасини қувватлаб, Ш.Алиевга нисбатан ҳеч қандай даъвоси йўқлиги, етказилган зарар тўлиқ қопланганлиги, аризани ўз хоҳиши билан ёзганлиги, унга бирон-бир тазйиқ бўлмаганлиги, ярашув суд томонидан тасдиқлангандан кейин келиб чиқадиган ҳуқуқий оқибатларни тушунганлиги ҳақида кўрсатув бериб, жиноят ишини тугатишни сўради.

Ўзбекистон Республикаси ЖКнинг 66¹-моддасига мувофиқ, ЖКнинг 109-моддаси 2-қисмида назарда тутилган жиноятни содир этган шахс, агар у ўз айбига иқрор бўлса, жабрланувчи билан ярашса ва етказилган зарарни бартараф этса, ярашилганлиги муносабати билан жинорий жавобгарликдан озод этилиши мумкин.

Суд, жабрланувчи С.Турсуновани ҳамда гумон қилинувчи Ш.Алиевнинг ярашув тўғрисидаги аризаларини жиноят иши ҳужжатлари билан биргаликда ўрганиб, Ургут туман прокурорининг катта ёрдамчиси У.Фармонов, гумон қилинувчи Ш.Алиевнинг ҳимоячиси адвокат С.Бобаевнинг жиноят ишини ярашганлик муносабати билан тугатиш ҳақидаги фикрларини эшитиб, муқаддам судланмаганлиги, айбига ихтиёрий иқрорлиги ва етказилган зарарнинг тўлиқ қопланганлиги, жабрланувчига ва гумон қилинувчига бирон-бир тазйиқ бўлмаганлиги, ярашув гумон қилинувчи ва жабрланувчини хоҳишлари билан бўлаётганлиги ҳамда Ўзбекистон Республикаси ЖКнинг 109-моддаси 2-қисмида назарда тутилган жиноят ЖКнинг 66¹-моддасига мувофиқ, ярашувга тушишини инобатга олиб, Ш.Алиевга нисбатан юритилган жиноят ишини ярашганлиги муносабати билан тугатишни лозим топади.

Шу билан бирга, суд жабрланувчи Турсунова Саноат Ахадовнага Ўзбекистон Республикаси ЖПКнинг 583-моддаси 5-қисмига асосан ушбу ярашув суд томонидан тасдиқлангандан сўнг унга мазкур иш бўйича иш юритишни қайта тиклаш тўғрисида илтимоснома бериш ҳуқуқини йўқотишини тушунтиришни лозим топади.

Ўзбекистон Республикаси ЖПКнинг 84-моддаси 4-қисми, 585-586-моддаларига амал қилиб, суд



А Ж Р И М Қ И Л А Д И

Гумон қилинувчи Алиев Шохниёз Мусурмонович (Aliyev Shoxniyoz Musurmonovich)га нисбатан Ўзбекистон Республикаси ЖКнинг 109-моддаси 2-қисми билан юритилган жиноят иши ярашилганлиги муносабати билан тугатилсин.

Жабрланувчи Турсунова Саноат Ахадовнага мазкур иш бўйича иш юритишни қайта тиклаш юзасидан илтимоснома бериш ҳуқуқи йўқолганлиги тушунтирилсин.

Ажрим устидан йигирма сутка ичида Самарқанд вилоят судининг жиноят ишлари бўйича апелляция инстанциясига апелляция тартибида хусусий шикоят берилиши ёки протест билдириши мумкин.

Раислик қилувчи судья:

Ф.Худайбердиев



Ҳужжат имзоланган: Худайбердиев Фарход Фармонович, 26.08.2022

